



Broj: 06-1-07-3-4759/22  
Sarajevo, 30.11.2022. godine  
(E.K)

Na osnovu člana 2.9 stav (1) tačka 9, a u vezi s članom 10.15 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 52/22 i 67/22), Centralna izborna komisija Bosne i Hercegovine je na 89. sjednici, održanoj 30.11.2022. godine, donijela

## O D L U K U

### o utvrđivanju rezultata posrednih izbora i dodjeli mandata delegatima u Domu naroda Parlamenta Federacije Bosne i Hercegovine iz Zapadnohercegovačkog kantona

(1) Centralna izborna komisija Bosne i Hercegovine utvrđuje rezultate posrednih izbora za Dom naroda Parlamenta Federacije Bosne i Hercegovine iz Zapadnohercegovačkog kantona, kako slijedi:

#### a) Kandidatske liste iz reda hrvatskog naroda:

1. Kandidatska lista predlagača Ševo Milana osvojila je **pet (5)** glasova- dobila je jedan (1) mandat,
2. Kandidatska lista predlagača Zrimšek Šaravanja Ivane osvojila je **pet (5)** glasova- dobila je jedan (1) mandat,
3. Kandidatska lista predlagača Hrvatske demokratske zajednice 1990-HDZ 1990 osvojila je **jedan (1)** glas- nije dobila mandat,
4. Kandidatska lista predlagača Mandić Tomislava osvojila je **pet (5)** glasova- dobila je jedan (1) mandat,
5. Kandidatska lista predlagača HDZ BIH, HDU, HSS, HKDU osvojila je **pet (5)** glasova- dobila je jedan (1) mandat.

#### b) Kandidatske liste iz reda srpskog naroda:

1. Kandidatska lista predlagača Mitrović Miroslava osvojila je **jedan (1)** glas- dobila je jedan (1) mandat,

(2) Centralna izborna komisija Bosne i Hercegovine dodjeljuje mandate u Domu naroda Parlamenta Federacije Bosne i Hercegovine iz Zapadnohercegovačkog kantona delegatima:

1. Milan Ševo - Hrvat
2. Ivana Zrimšek Šaravanja - Hrvatica
3. Tomislav Mandić - Hrvat
4. Ivica Pavković – Hrvat
5. Mitrović Miroslav – Srbin

## O b r a z l o ž e n j e

Skupština Zapadnohercegovačkog kantona dostavila je Centralnoj izbornoj komisiji Bosne i Hercegovine, dana 28.11.2022. godine, akt broj: 01-01-9-1211/22 od 24.11.2022. godine, te u prilogu akta cjelokupan izborni materijal u vezi s provedenim posrednim izborima za Dom naroda Parlamenta Federacije Bosne i Hercegovine iz Zapadnohercegovačkog kantona, i to:

Izveštaj o rezultatima glasanja za izbor delegata u Dom naroda Parlamenta Federacije BiH, Zapisnik o utvrđivanju redoslijeda kandidatskih listi na glasačkom listiću, popunjene glasačke listiće za izbor delegata u Dom naroda Parlamenta Federacije BiH i spisak poslanika koji su glasali.

U skladu s članom 21. stav (3) tačka h) Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, broj: 75/22), bira se ukupno sedam (7) delegata i to jedan (1) iz reda bošnjačkog naroda, četiri (4) iz reda hrvatskog naroda, jedan (1) iz reda srpskog naroda i jednog (1) iz reda Ostalih.

Odredbama člana 10.14 Izbornog zakona BiH propisano je da svaki delegat u kantonalnoj skupštini daje jedan glas za listu na kojoj je njegov odgovarajući klub.

U skladu s članom 10.15 Izbornog zakona BiH, nakon provedenog tajnog glasanja, izborni materijal i rezultati glasanja dostavljaju se Centralnoj izbornoj komisiji BiH za konačnu raspodjelu mjesta. Mandati se raspodjeljuju jedan po jedan po listama ili kandidatu sa najvišim količnicima koji su rezultirali iz formule za proporcionalnu raspodjelu utvrđenu u članu 9.5 Izbornog zakona BiH. Kada lista dobije mandat, mandat se raspoređuje s vrha liste.

Uvidom u dostavljeni materijal o provedenim posrednim izborima za Dom naroda Parlamenta FBiH, utvrđeni su sljedeći rezultati:

**a) Kandidatske liste iz reda hrvatskog naroda:**

1. Kandidatska lista predlagača Ševo Milana osvojila je **pet (5)** glasova,
2. Kandidatska lista predlagača Zrimšek Šaravanja Ivane osvojila je **pet (5)** glasova,
3. Kandidatska lista predlagača Hrvatske demokratske zajednice 1990-HDZ 1990 osvojila je **jedan (1)** glas,
4. Kandidatska lista predlagača Mandić Tomislava osvojila je **pet (5)** glasova,
5. Kandidatska lista predlagača HDZ BiH, HDU, HSS, HKDU osvojila je **pet (5)** glasova.

**b) Kandidatske liste iz reda srpskog naroda:**

1. Kandidatska lista predlagača Mitrović Miroslava osvojila je **jedan (1)** glas.

Imajući u vidu da su ispunjeni svi zakonski uslovi za utvrđivanje rezultata izbora za delegate u Domu naroda Parlamenta FBiH iz Zapadnohercegovačkog kantona, Centralna izborna komisija Bosne i Hercegovine je, u skladu s članom 2.9 stav (1) tačka 9, a u vezi s članom 10.15 Izbornog zakona Bosne i Hercegovine, odlučila kao u dispozitivu ove odluke.

**Pravna pouka:** Protiv ove odluke, u skladu s članom 6.9 stav (1) i stav (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva (2) dana od dana prijema ove odluke, koju Centralna izborna komisija BiH dostavlja putem faks aparata.

Žalba se podnosi preko Centralne izborne komisije BiH i dostavlja se putem faks aparata na broj 033/251-329 ili neposredno u sjedište Centralne izborne komisije BiH, Ulica Danijela Ozme broj 7, Sarajevo.

Dostaviti:

1. Skupština Zapadnohercegovačkog kantona
2. a/a

